



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-413-6/21**
Datum: **25.10.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Javnog komunalnog preduzeća“ d.o.o. Vareš za donošenje rješenja o vodnoj dozvoli za zahvatanje vode sa izvorišta „Jarčiči“ i „Saški potok“ na planini Perun, općina Vareš, a za potrebe snabdijevanja pitkom vodom potrošača na području općine Vareš, na osnovu člana 139. stav 1. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola „Javnom komunalnom preduzeću“ d.o.o. Vareš za zahvatanje vode sa izvorišta „Jarčiči“ i „Saški potok“ preko izgrađenih kaptaža na padinama planine Perun, općina Vareš, a u svrhu snabdijevanja pitkom vodom potrošača na području općine Vareš.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.4. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 44/10) vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.7. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.8. Da se mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima.
 - 2.9. Da se stalno sprovode zaštitne mjere za izvorišta po Odluci o zaštitnim zonama i zaštitnim mjerama lokalnih izvorišta za snabdijevanje vodom za piće Vareš Majdana i to Jarčiči, Saški potok, Perun, Trifkovića potok, Čamilov potok, Prnjavor i Planiničko vrelo, broj: 01-54/10 od 04.03.2010. godine. Ova odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne

zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).

3. Korisnik objekata treba da u cilju kontrole, evidencije i plaćanja količina zahvaćene vode da vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtijev za izmjenu ovog vodnog akta.

O b r a z l o ž e n j e

Dana 08.09.2021. godine, Ministarstvo za poljoprivredu, šumarstvo i vodoprivredu Zeničko-dobojskog kantona, uputilo je ovoj Agenciji na nadležno rješavanje zahtjev „Javnog komunalnog preduzeća“ d.o.o. Vareš za donošenje rješenja o vodnoj dozvoli za zahvatanje vode iz izvorišta „Jarčići“ i „Saški potok“ preko izgrađenih kaptaža na padinama planine Perun, općina Vareš, a u svrhu snabdijevanja pitkom vodom potrošača na području općine Vareš.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, broj: 043-0-RegZ-21-001763 izdatog 25.06.2021. godine od strane Općinskog suda u Zenici,
- Ovjerena kopija Uvjerjenja o poreskoj registraciji i identifikacionom broju od 19.04.2012.godine, izdatog od strane Porezne uprave – Kantonalni ured Zenica,
- Kopija uplatnice upravne takse,
- Kopija Rješenja o urbanističkoj saglasnosti za izgradnju i rekonstrukciju vodovoda „Saški“, broj: 06-364-82/83, izdatog dana 12.07.1983. godine od strane nadležne službe opštine Vareš,
- Kopija Rješenja o odobrenju za gradnju i rekonstrukciju vodovoda „Saški“, broj: 06-360-13/86, izdatog dana 29.07.1986. godine od strane nadležne službe opštine Vareš,
- Kopija Rješenja o vodnoj dozvoli, broj: 05-25-1698-2/11, izdatog dana 14.07.2011. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Odluke o zaštitnim zonama i zaštitnim mjerama lokalnih izvorišta za snabdijevanje vodom za piće Vareš Majdana i to Jarčići, Saški potok, Perun, Trifkovića potok, Čamilov potok, Prnjavor i Planiničko vrelo, broj: 01-54/10 donešene 04.03.2010. godine od strane Općinskog vijeća Vareš,
- Glavni projekat vodovoda „Jarčići-Saški“ 4 knjige urađen jula 1981.godine od strane „Traser“ Sarajevo,
- Studija – Snabdijevanje grada Vareša vodom od Saških vrela, šifra 73-H-104 urađena decembra 1973. godine od strane Projektantskog preduzeća „Projekt“ Sarajevo,

- Elaborat o zaštiti izvorišta vodovodnog sistema Vareš Majdana, septembar 2009.godine,
- Kopija Ugovora za izradu Elaborata zaštitnih zona vodovoda Jarčiči-Saški sa prednacrtom odluke za izvorište Jarčiči-Saški, općina Vareš, potpisa dana 15.10.2021.godine sa „IBIS“ d.o.o. Zavidovići,
- Izvještaji o ispitivanju vode za piće, urađeni od strane Instituta za zdravlje i sigurnost hrane Zenica, urađeni od strane „Euro inspekt“ d.o.o. Sarajevo,
- Izvještaji o količini zahvaćene vode (obrazac „ZV“) za april, maj i juni 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni svi potrebni prilozi, te je od podnosioca zahtjeva, dopisom broj: UP-I/25-3-40-413-2/21 od 24.09.2021. godine zatraženo da zahtjev dopuni. Dokumentacija je kompletirana (dostavljeni svi potrebni prilozi) 06.10.2021. godine, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20), izvršen je obilazak predmetnog vodozahvata te je sačinjen zapisnik o izvršenom uviđaju broj: UP-I/25-3-40-413-5/21 od 21.10.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe snabdijevanja vodom potrošača na teritoriji općine Vareš kaptirana su vode sa izvorišta „Jarčiči“ i „Saški potok“ koja se nalaze na planini Perun izad Vareša.

Kaptiranje vrela izvršeno je klasičnim armiranobetonskim kaptažnim građevinama i to tri na izvorištu „Jarčiči“ i dvije na izvorištu „Saški potok“. Uže zaštitne zone oko kaptaža su propisno zaštićene i ograđene.

Prosječna količina zahvaćene vode sa ova dva izvorišta, prema „ZV“ obrascu iznosi 10,5 l/s.

Zahvaćene vode sa oba izvorišta se transportuju u sabirnu – rasteretnu komoru RK2 gdje se vrši dezinfekcija vode automatskim doziranjem hlora, a zatim se preko rasteretnih komora RK3 i RK4 transportuju do rasteretne komore RK5 gdje se vrši mjerenje zahvaćenih količina vode elektromagnetnim mjerачem protoka. Iz RK5 voda se transportuje do distributivnih rezervoara.

Redovno se vrši kontrola i baždaranje vodomjera od strane ovlaštene firme.

Kontrola kvaliteta zahvaćene i isporučene vode vrši se od strane ovlaštene laboratorije.

Za predmetno izvorište nije izvršeno usklađivanje Odluke o zonama sanitarne zaštite i zaštitnim mjerama za izvorišta „Jarčiči“ i „Saški potok“, za snabdijevanje vodom za piće općine Vareš, sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine Federacije BiH“, broj 88/12). U toku je izrada Elaborata zaštitnih zona vodovoda Jarčiči-Saški sa prednacrtom odluke za izvorište Jarčiči-Saški.

Podnosilac zahtjeva uplatio je posebne troškovi prema Zaključku ove Agencije broj: UP-I/25-3-40-413-4/21 od 06.10.2021.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „Javnom komunalnom preduzeću“ d.o.o. Vareš, ovom su vodom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Konstatuje se da je podnosilac zahtjeva, „Javno komunalno preduzeće“ d.o.o. Vareš, ispunio minimum uslova za izdavanje vodne dozvole za zahvat vode sa izvorišta „Jarčiči“ i „Saškio“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Vareš, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

**Po ovlaštenju
Rukovodilac sektora za izdavanje
vodnih akata**



Hariš Ališehović, dipl.inž.građ.

Dostaviti:

- „Javno komunalno preduzeće“ d.o.o. Vareš
ul. Put mira br. 33, 71330 Vareš
- Ⓢ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava